

Voh Sheher Mere Ghazlon Ka وہ شہر میرا غزلوں کا

Himanshu Shiv Chauhan
(Mohammad Aashu)



BlueRoseONE.com
Stories Matter

New Delhi • London

BLUEROSE PUBLISHERS
India | U.K.

Copyright © Himanshu Shiv Chauhan (Mohammad Aashu) 2026

All rights reserved by author. No part of this publication may be reproduced, stored in a retrieval system or transmitted in any form or by any means, electronic, mechanical, photocopying, recording or otherwise, without the prior permission of the author. Although every precaution has been taken to verify the accuracy of the information contained herein, the publisher assumes no responsibility for any errors or omissions.

No liability is assumed for damages that may result from the use of information contained within.

BlueRose Publishers takes no responsibility for any damages, losses, or liabilities that may arise from the use or misuse of the information, products, or services provided in this publication.



For permissions requests or inquiries regarding this publication,
please contact:

BLUEROSE PUBLISHERS
www.BlueRoseONE.com
info@bluerosepublishers.com
+91 8882 898 898
+4407342408967

ISBN: 978-93-7825-310-2

Cover Design: Deepak Katheria
Typesetting: Manisha Rawat

First Edition: March 2026

“BIKHRA HI REHNE DE”

Mat jod mujhe bikhra hi rehne de
Mujhe kuch der aur teri dehleez pe rehne de
na sambhal paya meri mohabbat ko tu
Mei toota hi sahi hu mujhe toota hi rehne de
Mat kar jhuthey wadey saath nibhane ke
Behtar hai ki tu dhundhe bahane mujhse
Dur jane ke
Ek pal mei tune mitti kar diya mere armano ko
Abb chod de mujhe aise hi bas mujhe jane de
Mat badal tu khudko ek sirf mere liye
Jo karna tha meine kar diya sirf tere liye
Mei sirf kalam aur mohabbat ki bhasha
janta hu
Meine suli pe chadha diya tha khudko sirf tere liye
Meine halki si nami bas apni ankhon mei
Rakhi thi
Uss pal jab teri doli saji thi
Uss manzar ko dekh ke mei khudko rok hi nahi paya
Uss pal jab tu dulhan ki tarah saji thi
Gale lagane ka hunar sirf tujhko aata tha
Jab tu mera ho nahi sakta tha toh mere pass
Kyun aata tha
Jab daga hi karni thi tujhe mere saath
Mujhe teri mohabbat mei bebas karne kyun aata tha

Nafrat ho gayi hai aab mujhe mohabbat ki rehmat se
Mei dur jana chahata hu teri sohbat se
Khuda se yeh dua karunga abb mei bas
Ke mujhe dur karde abb voh teri gurbat se
Abb yeh sawal jawab ka silsila rehne de
Humari mohabbat ko andhere mei
khone de
Bacha kuch nahi hai abb humare darmiyan
Mei chala jaunga mujhe kuch der aur teri dehleez pe rehne de
Mei toota hi sahi hu mujhe toota hi rehne de

KARWAT BADLKE TU BHI MUJHE YAAD
KARKE TOH DEKH
TU BHI KABHI MERA INTEZAAR
KARKE TOH DEKHss
NEEND AA JAYE TOH KHAWABON MEIN
MILNA MUJHHE
TU BHI KABHI PYAAR KA IZHAAR
KARKE TOH DEKH.

Yunhi nahi tune mann banaya hoga jane ka ,
Kisi ne toh tujhe himmat di hogi

Tumhare saath har mausam suhana sa lagta hai
Koi kitna bhi paraya ho tumhare saath apna sa lagta hai
Aab koi khalish ya koi khwaahish nahi mujhe iss zindagi se
Tumhari ankhon se dekha hua har khawab saccha sa lagta
hai

Zindagi tab tak sahi chalti hai jab tak aapki zubaan pe sach
nahi hota

jaise hi sach bol diya phir apka koi nahi hota

“HAZARON MOHALLON SE GUZRA MEI PAR SUKOON NAHI MILA ”

Hazaron mohallon se guzra mei par sukoon nahi mila
Chalta raha ek musafir ki tarah par koi hum safar nahi mila
Khwaahish toh bohot thi humari uss barish mein bheegne ki
Par koi humare saath bheegne wala nahi mila
Meine apni taraf se bohot koshish ki
Par chahake bhi pyaar ka sukh nahi mila
Hazaron mohallon se guzra mei par sukoon nahi mila
Aab Jisse pyaar tha woh toh nahi mila
Phir bhi na jane kyun yeh pyaar ka phool khila
Kya kasoor tha mera jo mein iss kadar tanha reh gaya
Meine duniya toh hasil karli par mujhe woh nahi mila
Aab apni hi parchai ka peeche kar raha hu mein
Zara pet bharlu kyunki pet bol raha hai ki bhooka hu mein
khana toh khilaya tha usne apne haathon se
Bas iss hi baat ka dar hai ki woh lamha na bhool jau mein
Barish bula rahi hai kya karu uski yaad mein bheeg jaun
mein
Aab sochta hu ki uske saath rehne se mujhe kya mila
Sukh ki talash thi par bas dukh hi dukh mila
Usko jate hue dekhna koi sailaab se kum nahi tha
Par uske yun achanak aane se bhi woh khushi ka lamha nahi
mila
Hazaron mohallon se guzra mei par sukhoon nahi mila

Aab zindagi se kya gila
Jo mera nahi tha voh mujhe nahi mila
Aab uss khuda se mangu bhi toh kya mangu
Uska saath ya uska zilla
Hazon mauhallon se guzara mei par sukhoon nahi mila

Mein toot ke judaa tha jahase zindagi ne
Wahin se phir tod diya
Mere mann ke samandar mein paani
Kum tha isliye kashti ne bhi saath chod
Diya
Peeke beithe hu iss Bhari mehfil mein
Mei apne gum ke sharab
Mein bhool beitha the jiss raste ko
Sadiyo pehle kismat ne laake
Phir wahin chod diya

“JO ZAKHAM THE DIL KE VOH PHIR SE HARE HO GAYE”

Jo zakham the dil ke voh phir se hare ho gaye
Hum naa chahake bhi duniya se judaa ho gaye
Meine koshish toh bohut ki sabki nazron
Mein accha banne ki
Phir bhi kyun najane hum Sabke gunehgar ho gaye
Kat gayi thi umar bas maut ka intezaar tha
Najane kab maut humse aur hum maut se bewafa ho gaye
Koi sahara na mila humein hum bas kinare
Pe khade reh gaye
Doob rahi thi humari kashti aur hum bas usse dekhte reh
gaye
Kat lunga zindagi socha tha uske bina
Najane hum kab aur kaise apni aadatun ke mautaz ho gaye
Meri zindagi ki keetaab mein akshar kuch kum pad gaye
Hum majboor the isliye unke pehron mein soo gaye
Jo zakham the dil ke voh phir se hare ho gaye
Unhe dekhte hi zindagi ka har pal suhana ho jata tha
Pata nahi kyun achaanak hum unhke liye itne bure ho gaye
Hum uske liye sari duniya se Ladd gaye
Woh badle mein humare liye ansu chod gaye
Uth rahi thi uski doli aur hum bas barati banke reh gaye

Sunna tha mohabbat mein dil hazaron ke lut gaye
Abb hum bhi bas ushi jamat mein shamil ho gaye
Jo zakham the dil ke voh phir se hare ho gaye
Hum unka sunke phir unke mureed ho gaye
Jo zakham the dil ke voh phir se hare ho gaye

Sacchai ke raste pe chala mei peeche reh gaya
Zakhm diye sabne mei bas sehta reh gaya
Yeh zamana sacchi ka nahi tha
Jab tak samajh aaya sab kuch mujhe
Toh pata chala ki mei kahin andhere mei kho gaya

“Hazaron KI BHEED MEI AKELA KHADA HU MEI ”

Hazaron ki bheed mein akela khada hu mei
Mere kuch apne hai jinhe dhund raha hu mein
Sambhala tha meine badi mushkil se khud ko
Abb sabne saath chod diya phir bhi bina sahare ke khada hu mei
Ansu nikal aate hai mere jab tanhaiyon se baat karta hu mei
Kisi ko kya pata mar gaya ya aab bhi zinda hu mein
Kat rahi hai zindagi bas maut ke pass hi khada hu mein
Aree abb toh vo bhi jhod gayi kya itna bura hu mein
Yakeen mano mera ki bohot accha hu mei
Koi toh suno meri baat bohot saccha hu mei
Jhel leta tumhare diye hua sare tane
Par kya karu yaron dil ka thoda kaccha hu mei
Hazaron ki bheed mein akela khada hu mei
Meri soorat pe mat jana seerat ka bohot accha hu mei
Kabhi chodunga nahi kisi ka bhi saath
apni zuban ka bada pakka hu mei
Phir bhi na jane kyun
Hazaron ki bheed mein akela khada hu mei

GAMO KO APNE JHUPA LIYA
KARTE HAI
KOI POOCH LETA HAI TOH HALE DIL BAYAN KAR
DIYA
KARTE HAI
KABHI GINE NAHI APNE KADAM CHALTE CHALTE
PAR KOI POOCHTA HAI TOH CHALE GINNKE BATA
DIYA KARTE HAI

“AAB TANHAIYON KI AWAZ AATI NAHI MUJHKO ”

Aab tanhaiyon ki awaz aati nahi mujhko
Voh rulane wali yaad aab aati nahi mujhko
Bach gaya hai abhi bhi tera kuch hissa mujhmein
Par voh raat bhulaye nahi bhulti mujhko
Suna hai meine ki mere naam se tum ro padti ho
Najane kyun tum samajh aati nahi mujhko
Koi thikana nahi tha mera tumhare bina
Aur aab toh mera ghar , ghar lagta nahi mujhko
Dar gaya tha mein jab juda hue the hum
Aur aab toh maut se bhi dar lagta nahi mujhko
Voh rulane wali yaad aab aati nahi mujhko
Mein angaro pe bhi challu aab , toh yaad karunga nahi tujhko
Tu chod degi jalta hua yeh yakeen hai mujhko
Suna hai ki tumhare sheher mein mere hi charche hai
Par mere sheher mein toh din mein bhi chand dikhta hai
mujhko
Tumhari kuch tasveeren hai jo aab bhi uss daraz mein padi
hai
Kya yaad hai voh lamhein tujhko
Par kuch bhi karlu mein meri jaan
voh Rulane wali yaad aab aati nahi mujhko

MUJHE INKAR KAR DE PAR MUJHSE KUCH BAAT
TOH KAR
MERE PYAAR KE SAATH KUCH INSAAF
TOH KAR
ISHQ TOH KAR LIYA PAR ANJAAM NAHI
SOCHA HUMNE
TU EK BAR SAMAJHNE KI KOSHISH
TOH KAR

“BAS NAO DIN KI PREM KAHANI THI ”

*Bas nao din ki meri prem kahani thi
Mein pagla aur voh deewani thi
Khoe rehte the hum ek dusre mein iss tarah
Jaise mei uska rajkumar aur voh meri rani thi
Suna hai meine ki badi mashihoor humari kahani thi
Kisiko kya kahun ki bas nao din ki meri prem kahani thi
Mausam mein uss Samein kuch alag si rawani thi
Kabhi hasna kabhi rona aur kuch khoon mein jawani thi
Kho baittha tha khudko mein uske pyaar mein kuch iss tarah
Phir bhi kyun pata nahi kuch adhuri si meri kahani thi
Kabhi voh muskurati thi aur kabhi voh rooth jati thi
Uske dur hote hi mujhe uski bohot yaad aati thi
Voh kehti thi mujhse har pal ki voh meri deewani thi
Par kya karun yaaron bas nao din ki prem kahani thi*

KUCH HOSH NAHI REHTA KUCH DHAYAN
NAHI REHTA
INSAAN MOHABBAT MEIN INSAAN
NAHI REHTA
TUM TOH BANA DOGI BAHANE HAZAR
PAR ISS DIL KA KYA KAREN JO TUMHARE BINA KHUSH
NAHI REHTA

“CHAL TU SACCHA HI SAHI”

Chal tu saccha hi sahi mei khudko
jhutha likhta hu
Tu mujhe paraya likh mei tujhe
apna likhta hu
Ek hi toh dil tha voh bhi tod diya tune
Chal tu meri mohabbat ko mazak likh mei usse Sapna likhta
hu
Tere liye chal mei yeh bhi karta hu teri bewafai ko apne naam
likhta hu
Sambhal ke rakhna meri wafa ko
Mei iss bhari mehfil mei teri rusvaai
likhta hu
Teri ankhon mei aaj kisis aur ki roshni
dekhta hu
Tere har sawal ka jawab mei jhuth
likhta hu
Chal tu saccha hi sahi mei khud ko jhutha
likhta hu

MEINE SUNA HAI TUM ROTI HO MERE BINA
ABB TOH NA DIN HOTA HAI NA RAAT HOTI HAI
MERE SEHER MEIN TUMHARE BINA
INN FASLON NE HUMEIN EK DUSRE KI EHMIYAT
SAMJHAYI HAI
AREE MUSKURAHAT TOH CHODO TUM
ABB TOH ANSU BHI NAHI AATE TUMHARE BINA

“BAGAWAT”

Rishte , wade , kasmlein sab Tod aaye hum ,
Tumhari chahat mein duniya chod aaye hum ,
Yeh naye naye pyaar ka nasha tha humein,
Apne saath saath apno ko bhi chod aaye hum ,
Voh galliyan , voh dost , voh chand , voh raat chod aaye hum ,
Uss bageeche mein phool bas khile hi the ,
Tumhare liye unn phoolon ko bhi tod laye hum ,
Tumhari kuch tasveerein daraz mein padi thi ,
Rakhe rakhe na jane voh kaise phat gayi thi ,
Badi mehnat toh karni padi humein par tumhare liye pyaar se unn
tasveeron ko bhi jod laye hum ,
Tumhse pyaar hai kitna batane ki zaroorat nahi mujhe ,
Tu dekh le meri ankhon mein pata chal jayega tujhe ,
Aab isse bhi ziyada kya karen mar jaye hum ,
Chalo ek doosre mein iss kadar kho jaye hum

*Ke ikhtallah kar dete tum agar mujhe
Pyaar karne se pehle
Hoti na yeh mohabbat humein tumse
Pehle
Aur tumse meetha sa ishq karke accha lagg raha hai
Pohach gaye hum mohabbat ke sheher mein
Tumse pehle*

Ishq utna kar mere dost jitna seh sake,
Kyunki tanhaiyon ki cheekh sirf khudko sunai deti hai

Khatam ho gayi meri zindagi uske jane se
Usko kya farak padah mere mar jane se
Usko toh mil gaya koi aur dil behlane ko
Kya farak padah iss duniya ko ek aur
Aashiq ke guzar jane se

“ KHUD KO KHUSH KAR KAYI ”

Mujhe bechain aur khud ko khush
kar gayi
Voh ladki mere saath bas yaadein
chod gayi
Itni behrehmi se muh moda usne
Ki mere dil ke saath saath meri aatma ko bhi
tod gayi
Mohabbat ke naam pe bas aab rusvaai janta hu
Voh mujhe ishq-e-sheher ke uss mod pe
chod gayi
Kalam uthaya tha uski bewafai likhne ke liye
Dekho kis kadar voh mujhe apna mureed kar gayi
Har sawal ka jawab diya tha meine
Phir bhi voh khud ko sahi aur mujhe galat sabit kar gayi
Bas ankhein khuli hai aur saans le
raha hu
Bas kuch iss kadar voh mujhe bebas
kar gayi

*Basaya hi nahi iss dil mein kisiko tere siwa
Yeh dil laga hi nahi kisi se tere siwa
Aur tham gayi yeh zindagi tere jate hi aae
Sanam
Iss dil ne kisi ko Apna maana hi nahi
Tere siwa*

“ GHABRAHAT HOTI HAI ”

Bohot tez seene mein ghabrahat hoti hai
Mei jagta hu meri ankhein soti hai
Bohot mushkil lag raha hai mujhe yeh safar
Zindagi ka
Mei marne jata hu toh yeh manzil rok leti hai
Har waqt meri kismat bure waqt se samjhota
Kar leti hai
Mujhe musibat Mein dalke phir yeh zindagi
maze leti hai
Mei kitni bhi koshish karlu jeetne ki
Yeh haar mujhe apni aghoosh mein le hi leti hai
Pata nahi mujhe ki mei kinta aur toot sakta hu
Na Jane zindagi mere saath kya kar deti hai
Safar mein chalne wala voh musafir hu mei
Jisse manzil aksar muh mod leti hai
Yeh bhookh har cheez karne pe majboor
Kar deti hai
chand paiso ke liye galiyan bhi sunni padti hai
Jo mujhe chahiye voh mujhe milta kyun nahi
Yeh majbooriyan kitna majboor kar deti hai

Kya tera mujhe iss kadar chod jana zaroori tha
Kya tujhe mere pass bulane ke liye mera
Marna zaroori tha
Seh toh gaya Mei teri di hui har pareshani ko
Magar
Mohabbat toh dono ne ki thi kya sirf ek ka
Marna zaroori tha

“ HAR MOHABBAT KO MANZIL NAHI MILTI”

*Har mohabbat ko manzil nahi milti
Tum kitni bhi koshish karlo voh chahake bhi nahi milti
Dil toot ta hai bohot dard hota hai
Par har samandar mein leher nahi uthati
Zindagi ko phir bhi jeena hota hai
Sab kuch bhoolake dard ko sehna hota hai
Kash mei pyar karne se pehle jan jata
Ki ismein khushi nahi ansuon ka sailaab hota hai
Jab asman ke liye bhago toh zameen nahi milti
Mein khuda se roz poochta hu ke voh mujhe kyun nahi milti
Mei apni mehbooba ko roz yaad karta hun
Par voh iss kadar kayi ki aab toh khawabo mein bhi nahi milti
Voh beech mein chod gayi mujhe aab koi raah nahi milti
Har jagah dhoondhta hun phir bhi voh mujhe kahin nahi milti
Meri ankhon ke samne voh kisi aur ke saath chali gayi
Pata nahi kyun iss jahan mein mohabbat ke badle mohabbat nahi
milti
Har mohabbat ko manzil nahi milti*

*Chand ne tujhe apni roshni se sajaya hai
Pata nahi khuda ne tujhe kya sochke
Banaya hai
Ankhein band Kari toh khuda ne sapne
Mein kaha
Aare Pagle meine isse tere liye banaya hai*

“ JANE SE PEHLE ”

Ke ikhtillah nahi kiya tune jane se pehle
Mei bhi apna mann badal leta
Tune toh mujhse nafrat kar hi li thi
zarasi nafrat mei bhi tujhse kar leta
Jo khayal tere mann mein the
Mujhe bata deti toh accha hota
Mei bhi tera intezaar karte hue
Yahan sherwani mein na beitha hota
Kyun tune sirf aur sirf mera gussa dekha
Tere liye mera pyaar toh dekha hota
Maan beithi unn logon ki baat tu jo
humare khilaf the
Apni aankhon se toh haqeeqat ko
dekha Hota
Tu zindagi bhar bhi mujhe jhut kehti
Mei sach maan leta
Teri har khwaahish ko apni khwaahish bana leta
Jo sapna tu apni ankh se dekhti
Mei har uss sapne ko apna bana leta
Mei teri khushi ke liye zamane bhar se
Lad leta
Tujhe kisi bhi haal mei apna bana leta

Abb kya faida mera kuch bhi sochne ka
Dil nahi karta abb mera mohabbat karne ka
Jo bachi hai yeh safar e zindagi voh kaise
Katunga
Mann hi nahi karta abb mera jeene ka
Ke ikhtillah nahi kiya tune jane se pehle
Mei bhi apna mann badal leta
Tune toh mujhse nafrat kar hi li thi
zarasi nafrat mei bhi tujhse kar leta

*Tujhe yaad na karna bohot
mushkil tha
Teri aawaz na sunna bohot
mushkil tha
Ankhein band karun toh tera chera nazar
aata hai
Phir inn ankhon ko kholna bohot
mushkil tha*

“ PEHLE JAISI MOHABBAT ”

Kya Pehle jaisi mohabbat mei tujhse kar

paunga

Kya phir mei tere ishq mein khudko Deewana

Kar paunga

Tu aa toh gayi mere admare pun ka haal sunke

Kya mei phirse utni shiddhat se tujhe pyaar kar

paunga

Jis chand mein tu mujhe dikha karti thi

Kya uss Chand ko mei phir dekh paunga

Jo safar tere saath bitana tha zindagi ka

Kya voh safar mei abb bita paunga

Kya pehle jaisi mohabbat mei tujhse kar

paunga

Chali jaungi chodke yeh aksar tere muh

Se nikal jata tha

Tu janti hai yeh sunke mera dil bhar aata tha

Mujhe pata hai Mei tere bina kuch nahi kar

Paunga

Abb yeh bhi sach hai

Pehle jaisi mohabbat mei tujhse nahi kar

Paunga

*Ek ajeeb aur achanak si mulakat thi humari
Mere heesab se toh unn lamhon mein khushiyan chupi thi sari
Tumhein dekhte hi jo intezaar meine kiya woh wazeeb lagne laga
Jaise tham si gayi ho yeh duniya sari
Ek ajeeb aur achanak si mulaqat thi humari*

Kuch rishte sirf yaadon ke liye hote hai ,
Mustakbil ke liye nahi

“ EK JHUT TUM EK SACH HUM LIKHTA HAI”

CHALO AAJ TUMHARI KHAWAHISH
PURI Karte Hai
TUMSE DUR Hone Ki Tumse guzarish
Karte Hai
Jo mangogi woh Dene Ka wada tha tumse mera
chalo aaj tumhari Yeh Farmahish bhi puri
karte hai
Jana hi chahati ho toh jane se pehle kuch pal saath beetate hai
Inn akhiri lamho ko kuch tasveeron mei
sajate hai
Tum chali jaogi toh yaad nahi karna chahata mei tumhei
Chalo apne rishte ko yahin iss mitti mei
dafnate hai
Chalo aaj tumhari har khwaahish puri
karte hai
Ek jhut tum ek sach hum likhte hai
CHALO AAJ TUMHARI KHAWAHISH
PURI Karte Hai

*TERE CHEHRE KO ZEHEN SE ISS TARAH MEETA DENGE,
TU DAR MAT MERI JAAN TUJHE BE-SHAQ BHULA
DENGE ,
ABB KUCH NAHI BACHA TERE MERE DARMIYAN ,
AGAR KUCH BACHA BHI HOGA TOH USSE JALA DENGE*

*BOHOT PYAAR KARTE HAI TUMSE YEH BATANA
MUSHKIL HO JATA HAI ,
BAS YEH HI VOH DARIYAN HAI JISMEIN DOOBNA
MUSHKIL HO JATA HAI ,
YEH DOORIYAN HI RAHEIN TOH HUMARE LIYE ACCHA
HAI SANAM ,
TUMHARE NAZDEEKH AAKE PHIR DOOR JANA
MUSHKIL HO JATA HAI .*

“ ABHI TOH LADNA BAKHI HAI ”

Dil bohot rota hai mera halaton ko
Dekh Kar mere
Abhi toh mera muskurana bakhi hai
Ameer gareeb ka fasla hai meri kismat
Ke darmiyaan
Abhi toh mera zaleel hona bakhi hai
Bohot thokarein kha raha hu shareer pe
Chot kha raha hu
kyunki abhi toh mera waqt badalna
Bakhi hai
Gaaliyaan suni hai meine bohot si aapne
Baree mein
Abhi toh mera jawab dena bakhi hai
Mitti se bana mera yeh ghar kabhi
Bhi bikhar jayega
Abhi toh mera isse eeton se banwana
Bakhi hai
Barkarar hai zindagi mein seilabon ka
Silsila
Abhi toh innse mera ladna bakhi hai
Rooth gaya hu mein iss duniya ke taur
Tariko se
Abhi toh inka mujhe manana bakhi hai
Taaron se bhare Iss aasman mein mera chand
Banna bakhi hai

Abhi toh meri zindagi mein sooraj ka
Khilna bakhi hai
Abhi ho jayega saab iski mujhe koi
Aans nahi hai
Abhi toh mera intezaar karna bakhi hai

Sirf phoolon se zindagi kategi nahi katon ki bhi zaroorat hai
humien

Sirf baaton se dil behlega nahi tumhari bhi zaroorat hai
humien

Sote sote neend mein kuch khawab toh aa jayenge

Sirf shabdon se baat nahi banegi hosle ki bhi zaroorat hai
humien

Aur sirf tumhari hi nahi tumhari parchai ki bhi zaroorat hai
humien

Roz mujhpe ek patta girta hai
Jabse meine jungle jana chod diya
Kaan pe haat rakha the kuch hi der
Aur phir uss aawaz ne peeche chod diya

Khareed leta mei bhi apne mehboob ko
Agar mujhmien voh hosla hota
Mujhe kya pata tha ki mohabbat bhi aaj kal
bikau hai
Mei hi duniya Mei sabse ameer hota

*Meri kuch seemayein hai jo mein paar
Nahi kar sakta
Dil ki kuch baat hai jo mein keh nahi
Sakta
Mein toh bas ek khali raah pe chalne wala
Ek musafir hu
Par mere bhi kuch halat hai jo mein bata nahi sakta*

Mera haal bura hai lakin aap apna

Khayal rakhna

Aapne aapko logon ki buri nazar se

Bachake rakhna

*Mana ki aap bohot masroof hai aapne Kaam mein Par aapko humse
bhi baat karni hai*

Yeh zehen mein zaroor rakhna

*Aapki sa'aadat batane ke liye shayari
Aur kavitayein kum pad jayengi
Aap kitne keemti ho yeh batane ke liye
Duniya ki sari daulat kum pad jayegi
Koi aapko kitna samjh paya hai
Yeh toh mein nahi keh sakta
Par mei aapko kitna samjha hu yeh
Batane ke liye saari Umar kum
Pad jayegi*

Aaj gulaab ko dekha toh aapki yaad
Aa gayi
Aisa laga jaise jaan mein jaan aa
Gayi
Mujhse tawaquf nahi hua aapse guftagu
Karne ka
Toh aapki yaad mein yeh shayari yaad
Aa gayi

*Ke chali jana tu chodke ek lamha tera mujhe aur toh de
Mujhe jhodne se pehle tujhse pyaar hai kitna yeh jaan toh le
Humne mohabbat ki thi aapse Umar bhar saath rehne ke liye
Aab meri iss mohabbat kuch enaam toh de
Hasna , rona , roothna , jeetna , harna yeh sab humare rishte ki
buniyaad hai
Tu inn sabhi jazbaton se dare bina meri ankhon mein dekh toh le
Tujhse pyaar hai kitna yeh jan toh le
Honi thi ya hogayi abb galti mujhse
Tere sawalon ka mujhse jawab toh le
Tujhse pyaar hai kitna yeh jaan toh le*

*Agar aap khoobsoorat hai toh hum bhi
Kum nahi
Zindagi mushkil toh hai par namumkin
Nahi
Aree logg kya batayenge mujhe aapke
Baare mein
Mein janta hu ki aap kisi se kum nahi
Hum saahil pe khade hai aapka intezaar
Karte hue
Humein pata hai ki aap kisi samundar se kum nahi*

*Meine apni khawahishon ko maar diya
Kismat se samjhota karke
Meine khudko khud hi chod diya halat
Se sauda karke
Koi kuch kehta toh koi kuch aur kehta
Hai mujhe akela samajhke
Issliye meine bech diya in jazbaton ko
Bazaar mein rusva karke*

*Mera dil toota toh sahi par toot ke bikhara Nahi
Aree isse toh bohot pehle sambhal jana chahiye tha par pata nahi
kyun yeh sambhla nahi
Humne toh toote piyalon mein bhi jaam peeke dekh liya aae bewafa
Par tera pyaar tha ki phir bhi mujhe samajh aaya nahi
Aab judne ki aans bhi rakhta nahi hu mei par isske alawa kuch sujta
bhi nahi
Yeh tera pyaar hai ya nafrat mujhe samajh aata nahi*

*Tumse bichadna zaroori tha
Tumhein kuch baton ko janna zaroori tha
Shayad inn rahon mein sirf kantein hi kantein hai
Shayad iss pyaar mein bhatakna zaroori tha
Teri masoomiyat ko janna zaroori tha
Tumse bichadna zaroori tha
Kuch yaadon ko jalana zaroori tha
Iss samein ke saath badalna zaroori tha*

*Kuch batein pardon mein chupaye rakhi hai
Tumhari khushboo iss jism mein basai rakhi hai
Kal humein tumhse milna hai bas iss hi baat ki khushi hai
Tumhari har adda inn ankho mein basai rakhi hai*

“ MUKKADAR MEI NAHI THA ”

Humara milna mukaddar mei nahi tha
Kuch baatein thi jo mein khat mei likhta nahi tha
Teri bewafai ke var mere dil pe lagg rahe the mussatsal
Dard hota tha par mei kehta nahi tha
Voh kehti thi suno tumhari aawaz nahi aa rahi
Shayad uska sunne ka mann hi nahi tha
Yeh zamana chod diya tha meine uske liye
Shayad usse iss baat ka ilm hi nahi tha
Har cheez meine mani uski , mei bas uska ho
Gaya tha
Kosta hu khudko kyun mei iss kadar mohabbat
Mei kho gaya tha
Mei apni mohabbat mei imandar aur saccha tha
Shayad usko hi mujhse jhutha ishq ho gaya tha
Jab pata chala mujhe uske iss jhuth ka
Voh meri ankhon ke samne roh padi thi
Mei yakeen hi nahi kar paya uske ansuon
Pe
Phir bhi usse rota dekh meri jaan ja rahi thi
Uske dhoke ne mujhe iss kadar tod diya tha
Yeh soch soch ke pareshan ho gaya tha
Ke Usne aisa kyun kiya tha

Ek pal ke liye mei phir behek gaya tha
Phir se uski mohabbat mei pad gaya tha
Jab mere ansu gire toh dekh ke yaad aaya
Yeh hi hai woh jo mujhe dhokha deke
Gaya tha
Yeh mei aisa nahi tha
Itna bhi mei be-ikhtiyar nahi tha
Apne ansuo ko poch ke meine khudko
Samjhaya
Humara milna mukkadar mei nahi tha
Shayad woh humesha se hi itna be-eman tha
Yeh khuda ki hi raza mandi thi
Humara milna mukkadar mei nahi tha
Dard hota tha par mei kehta nahi tha

Kuch baatein zubaan pe hoke reh jati hai
Kuch khwahishen arman mei badal jati hai
Aasan nahi hai yunhi bharosa kar lena
Mann pasand insaan ho toh sari
Bandhishen toot jati hai

*Dil karta hai tumhari ankhon ka noor ban jau
Tumhare ruksar ki voh khoobsurat hasi ban jau
Roz tumhari yaad mein deewana sa phirta hoon
Dil karta hai ki mein tumhari duniya ban jau*

*Tumhari ankhon pe ek ghazal likhne chala hu mei
Ishq , mohabbat ki sari hadon ko todne chala hu mei
Mana humare mohabbat ke shahar mein kuch dushman bhi rehte
hai
Tumhara haath pakadke unn sabse ladne chala hu mei*

*Iss dil ko intezaar uska hai jisse ehsas tak nahi
Dil marta hai uspe jisne dhang se kabhi humein dekha tak nahi
Bitana hai safar humein yeh zindagi uske saath
Aur usse toh iss bat ka khayal tak nahi*

*Gairon ki mehfil mein koi apna sa lagta hai
Mere mehboob ki ankhon mein koi sapna sa dikhta hai
Kash yeh pal yunhi thehar jaye teri meri mulaqaat ka
Tere jate hi yeh ghar veerana sa lagta hai*

*Haath khali aur jeeb phati leke nikalta hu
Kaanton pe chalke phoolon ki taraf nikalta hu
Yeh sabar manzil pane ka mujhe rok deta hai warna
Mei apne sar pe roz kafan leke nikalta hu*

*Rok rakha tha dil ki deewaron ne inn jazbaaton ko
Bhool beithe tere pyaar mein khawabo khayalo ki baaton ko
Bhari mehfil mein yun Khoya khoya sa baitha hun
Daar lagta hai aksar ki bhool na jau teri yaadon ko*

*Tere ruksar pe mein muskurahat dekhna chahata hu
Mein inn kahaniyon ki duniya mein hi rehna chahata hu
Dar lagata hai ishq ke anjam se mujhe
Phir bhi mein ishq ki duniya mein hi rehna chahata hu*

*Mera haal bhi kuch aisa hi tha
Tu mere pass hoke bhi mere pass nahi tha
Tu door hi raha hamesha mujhse aae mere dilbar
Shayad mein tere liye itna khaas nahi tha*

“KITNA TANHA HU MEI BATLAU KYA”

*Kitna tanha hu mei batlau kya
Tumhein dil ki baat mei batau kya ,
Sunno tum mere liye bohot maine rakhti ho ,
Aab isse bhi zayada kuch kahun kya ,
Yeh din toh guzar jata hai par yeh raat nahi guzarti ,
Tumhein yakeen nahi aata toh mera haal kisi se poochwaun kya ,
Kitna tanha hu mein batlaun kya ,
Sari kasmerein sare wade sare erade tod dun kya ,
Likh raha hu mein yeh gazal tumhein sunau kya ,
Aab ho rahi hai aur ho jayegi yeh haad par ,
Yeh hadd mein par karjau kya ,
Kitna tanha hu mei batlau kya ,*

YEH PAGAL ISHQ

Yeh ek aur aadha din koi saal se Kum
Nahi tha
Aapka jawaab na dena koi tabahai se
Kum nahi tha
Meine toh apne aap bas kosna shuru
Hi kar diya tha
Par aapka yun achanak jawaab dena
Koi khoobsoorat khushi se kum
Nahi tha

Kyun mein apno ka hoke bhi anath ho gaya
Pata nahi zindagi ke konse mod pe aake Kho gaya
Jab mila saath kisi ka toh socha thehar jau
Jab mud ke dekha peeche toh sab Kho gaya

Ujale bhare iss raste mein andhera sa lagta hai
Aaj har apna paraya sa lagta hai
Khud mein hi uljhe hum kuch iss tarah
Ki pyaar karne ko bhi bahana lagta hai

Jab safar chuna hai toh manzil mei waqt lagega
Zaroori nahi humei har insaan accha lagega
Mana ki waqt abhi humara nahi
Voh waqt bhi aayega jab humare ghar ke bhar jamavra
lagega

Tum gayi toh neend ka khayal rakhna chod diya
Tumhari yaadon ke saath jo waqt bitana tha
Jab dil tod diya mere yaar ne toh pata chala
Uska toh kaam hi mujhe satana tha

Kehta hai tera deewana ki

Tujhe yaad na karna bohot mushkil tha
Teri aawaz na sunna bohot mushkil tha
Ankhein band karun toh tera chera nazar aata hai
Phir inn ankhon ko kholna bohot mushkil tha

Kuch lamhein pure hoke bhi adhure se lagte hai
Ab bas kuch logg he hai jo apne se lagte hai
Bat dil ki thi isliye tham gaye hum
Warna dur toh hum bhi tujhse ho sakte hai

Sabar rakh aashu sab ho jayega
Ek din tu bhi jhutha ho jayega
Seekh le jo sikha rahi hai duniya
Warna tu bhi ek din pagal karar kar diya jayega

“ Gareebi aur muflasi sirf daya ke kabil banati hai
Izzat ke nahi ”

Zarurat ko khwahish banana
mera kaam hai
Tumhare dil mein apni jagah banana
mera kaam hai
Tum haan kaho ya na kaho ,
Mujhe koi farak nahi padta ,
Tumhein phir bhi chahana
mera kaam hai

Tujhe dil Mein basa liya yeh
kaha tha meine
Tujhe sabse chura liya yeh
kaha tha meine
Yunhi dil dedu mei kisiko yeh mumkin nahi
Tu sabse alag hai Yeh
kaha tha meine

Khawabo ko asman pe
Likh denge
Hosle se bulandiyon Ko
chu lenge
Mana hasna aur rona reet hai zindagi
Ki
Hum ek din iss jahan mei apna naam
Likh denge

Khawabo ki chadar odhe yunhi
So gaya tha Mei
Seene pe sar rakhke tumhare yunhi
Kho gaya tha mei
Ankhein khuli toh har taraf
Andhera tha
Bas kuch iss kadar tumhari mohabbat mein
Kho gaya tha mei

“Mera waqt nahi aa raha”

Mei zindagi mein Kuch Kar nahi
pa raha
Kya Karu Koi rasta nazar nahi aa
Raha
jal gayi meri zubaan khuda se
dua mangte, mangte
mujhe andhere Ke Siwa Kuch nazar
nahi aa raha
mehnat roz kar raha hu galiyan aur
Thokar roz Kha raha hu
Par Kuch bhi Karlu mera waqt hi nahi
Aa raha
Khudko sambhalu ya meri zindagi ko
Mujhe kuch samajh
nahi aa raha
Kya karu mera waqt hi nahi aa raha
Roz ghar lautna ek udasi ke saath
Yeh rasta kahin nahi jaa raha
Mujhse abb yeh dard saha nahi ja raha
Kya karu mera waqt hi nahi aa raha
Kabiliyat aur mera hoonar kaam nahi aa raha
Khuda ka kya irada hai much samajh nahi aa rha

Kya karu mera waqt hi nahi aa raha
Apne khawab ko chodne ka mujhmei hosla nahi
Aa raha
Mei jeetne ko taiyaar bietha hu ,
Bas mera waqt nahi aa raha

Kabhi khudko kosne ka mann kare toh ,
Usse dekh lena jiske pass kuch nahi

Abb dil tod diya hai tumne tookde
Sameith lena
Koi aur bhi takleef ho toh mujhse
Keh dena
Sawal toh bohot hai jo mei poochna
Chahata hu tumse
Koi aur bhi zulm karna ho toh
Mujhse keh dena

Meri kismat mein kuch dag hai ,
Voh dag mitado tum
Agar tumhara dil chahe toh mujhe
Apna banalo tum
Aab toh mei mureed hu tumhari
kahi har baat ka
Mujhe ek mauka deke apni mohabbat
Banalo tum

Har waqt mei bayan karu shabdon se
yeh zaroori toh nahi
Pyaar karta hu tujhse bohut yeh batana
zaroori toh nahi
Kash ke tera yeh patthar sa dil pighal jaye
Har waqt mei hi tujhe phone karu
yeh zaroori toh nahi

Shayad tu sahi aur mei
galat tha
Tu hamesha se hi mujhse
alag tha
Sajeesh thi yeh teri ya khuda ki yeh toh
pata nahi
Par aab lagta hai ki shayad tu sirf mera ek
vehem tha

Tujhse achanak
milke yun
beechadna mushkil hai
Tujhe har pal yaad
na karna mushkil hai
Mana tu mujhse itni
wakif hai nahi
Par kya mujhe pyaar
karna itna mushkil
hai
Dekhata hu teri
tasveer roz ae
sanam
Kya tera mere liye
waqt nikalna itna mushkil hai

Roz ek lamhe mein mar raha
hu mei
Katra - Katra Khud Ko Kho raha
hu mei
Sawal ek Khudse roz Kar raha
hu mei
Kya sahi rah pe chal raha hu mei
Jawab nahi mere pass apne Kisi bhi
Sawal ka
Khud se khud ko Kho raha hu mei
meri Kahani kis mod pe Jaake khatam Hogi
pata nahi
Shayad mere Karmon ka sabak le raha
hu mei

Haath fehlalo pair padhlo mar jao ,
Yeh kalyug hai mere dost
Yahan koi kisi ki madat nahi karta

Har mehfil mein ishq ki ruswai
likhta hu
Tere ruksar ki hasi ko kuch iss tarah
likhta hu
Pehle hua karta tha mei bhi
ek shayar
Par aab bas teri bewafai
likhta hu
Tera saya meri rooh se juda
ho gaya
Shayad tere saath saath khuda bhi mujhse
khafa ho gaya
Ek Umar bitatdi meine tujhse mohabbat
karte karte
Par aaj mera safar khatam
ho gaya

Aksar har pal tanhai mein guzara

karta hu

Jab milta nahi koi toh khud se hi baatein kiya karta hu

Aur Nasamajh samjha har apne

ne mujhe

Jab bharta nahi mann in tanhaiyon se toh roke guzara karta
hu

“ MANZIL AUR HUMSAFAR SE VANCHIT HU ”

Manzil aur humsafar se vanchit hu
Harne ke khayal se bohot vichlit hu
Na jane kon se gunah meri rah mein aa jate hai
Mei apne safar mein adhurepan mein seemit hu
Sardi ki yeh sham garmiyon ka ehssaas deti hai
Mujhe tadpake na jane yeh zindagi kya mazey leti hai
Maa ki ankhon se tapki woh aansu ki boond
Aksar mujhe bebas kar deti hai
Mere bas mein hota toh mei kya kuch nahi kar jata
Kya Kuch ehsaan Farah mosh innsano se yunhi har jata
Zimmedariyon ke bhar mei dab gaya warna
Talwar uthake mei bhi Shan se mar jata
Dukh takleef kitne hai koi sunne aayega kya
Haath pakad ke meri kabiliyat ko raah dikhayega kya
Mauj karo zindagi mein yeh toh sunn liya lekin
Mere ghar mein rashan bharne koi aayega kya

Ek yaad aur kuch pareshaniyan sone nahi deti
Ek ghabrahat hai seene mei jo chain se rone bhi nahi deti
Mei bhi sab bhool ke baith jau magar
Yeh be-chaini khayalo mein khone bhi nahi deti
Mera farman khuda ki kitab mein likh diya meine
Kya chahata hu zindagi se yeh saaf bata diya meine
Ek mauka mila tha batane ka apne armano ko
Khwaahishon ko apni hateli pe rakh diya meine
Bas kuch iss tarah vanchit hu
Harne ke khayal se thoda vichlit hu

*Voh samandar bin lehron ka tha
Uss mein tufan kabhi Utha hi nahi,
Meine ummeed uss se Karli
Jo kabhi mera tha hi nahi*

Zindagi ke safar mei aksar girane wale bohot
Milenge
Hum kitne hosle se uthte hai voh mainey rakhta
Hai

Meri prem kahani aaj amar
Ho jayegi
Mere mooh se nikli har baat Qayamat
kar jayegi
Mujhe lagta hai ki aab voh meri nahi
Ho sakegi
Isliye aaj meri zindagi khatam
ho jayegi

Ek lamhein Mein puri zindagi samajh
Aa jati hai
Uske dur hote hi meri ankhon mein
Nami aa jati hai
Kabhi socha nahi tha usko bhulana
itna mushkil hoga
Voh na chahake bhi mujhe aksar
yaad aa jati hai

Mohabbat kitni bhi sacchi ho ,
Par ek ehsaan farahmosh insaan ka dil nahi pighla
Sakti

Unse Kehdo Ki mei mara
nahi hu
Mere Shareer mein abhi bhi Jaan
bakhi Hai
vo Samajh rahe Hai murda
mujhe
Unse Kehdo Ki mera ladna abhi
bakni hai

Aaj Dukh Hai Toh Kya Hua
Kal sukh bhi Honge,
Aaj Hum akele hai toh kya hua
kal Humare saath log bhi Honge
Mujhe yakeen hai waqt ka pahiyen
sab theek kar dega
Aaj Hum nakamiyab Hai
toh Kya Hua Kal Hum
Kamiyab bhi Honge.

“Apki har ada pe pyaar aata tha ”

Aapki har aada pe pyaar aata tha,
Aap the mere pass toh Khud pe naaz
aata tha,
yun hi meri zindagi tukdo mein bhikar
gayi,
Apke saath na Jane kaise aur kab yeh waqt
Beet jata tha
Subha ka har parinda mera ho
Jata tha
Sham Mein ye mann Kahin kho
Jata tha
Dil deewana ho gaya tha iss kadar
Tumhara
Ki mujhe tumse roz pyaar ho jata tha
Tumhari nazron ka teer mujhe
Ghayal kar jata tha
Gussa kitna bhi ho
Tumhara haath pakadna mujhe
Shant kar jata tha
Tuhare sath na jane kaise waqt
Beet jata tha
Aapki har ada pe mujhe pyaar aata tha

Mere halat Kuch aise Hai
Ki mein Kuch Kar
nahi Sakta
chahake bhi mein tumhein gale laga
nahi sakta
aab yeh Jo mere Jazbaat Hai yeh
mein mei tumhein
Kaise batau
meri majboori Hai mein tumein apna
bana nahi Sakta

Mauf kar dena uss mohabbat ko bhi
Jisne tumhe dukh diya
Yeh sochna
Chalo kuch pal ka hi sahi usne tumhe
Sukh toh diya
Kalma padho dua do apne uss
Mehboob ko
Jisne tumhe kisi pe bharosa na
Karna toh sikha diya

“TUMHEIN MEI APNA BANAU KAISE ”

Tumhein mei apna
banau kaise
Tumhse Pyaar Hai Yeh raaz
Mei chupau Kaise
Koi toh raah Dikha aae
zindagi mujhe
Tumhein itha chahane Ke
baad na chahu Kaise
Koi afsana likhu aaj ya
Koi baat Karne ka bahana
tum Se
tum mere Katil ho yeh baat mei
Duniya ko batau
Kaise
Aankh band Karte Hi Jo
Khawabo mein aata Hai
voh Sirf Tum HO
Yeh Khawab bhi mei tumhein
batau Kaise

Zindagi mushkil toh hai
Par namumkin nahi
Mei haar jau in musibaton se
Yeh mumkin nahi
Mana iss safar mein mera koi
Apna mere
Saath nahi
Mei laut jau darke yeh
Mumkin nahi

Gale laga kar kisi ne poocha
Hi nahi
Tanha tha itna koi apna
Dikha hi nahi
Sawalon Mein aksar ghira
Raha mei
Dhundh raha tha koi sahara
Par koi Mila hi nahi

“MEINE KHUD TUJHE DEKHA HAI ”

Meine Hi nahi Tune bhi
Dekha Hai
Meri bebasi mein meine Tujhe
Haste Dekha hai
Kya Tujhse mohabbat Karna
mera gunah tha
Meine Apni ankhon se Tujhe Kisi aur
ki bahon
mein Dekha hai
Tune kabhi sooraj ki tapan ko
Mehsoos kiya hai
Meine Tujhe uske Saath haste hue
Dekha hai
Mujhe kisi se poochne ki zarurat
Nahi teri bewafai ke kisse
Meine Khud Tujhe bewafai
Karte hue dekha hai
Yeh sachai ka chola odhe kistni
Masoomiyat se beithi hai tu
Meine Khud Tujhe jhoot bolte
Dekha hai
Meine Khud Tujhe kisi aur ki
Bahon mei dekha hai

Samajhdaro ki samajh ek
tarfa ho gayi
Jhuton ke mehfil mein sacchai
rusva ho gayi
Haisiyat nahi hai meri kuch bhi
isliye dekho na
zindagi bhi mujhse abb
khafa ho gaya

“voh humein jaan se pyara tha ”

Unhein hum pasand nahi the par voh Humein
jaan se pyara tha
Mera voh aur kuch nahi bas Jeene
ka sahara tha
Har kadam pe uska humare saath chale
ka wada tha
Jab voh humare saath tha toh voh bas
Humara tha
hazaron se mila hu mei par pata nahi kyun yeh dil ushi
Tittli ka deewana tha
Kuch toh baat thi uss waqt mein kyunki lagta har mausam
Suhana tha
Tab pariyan ki kahani sach lagati thi kyunki ek pari ka
Humare mastak mein thikana tha
Ansuon ka toh kuch pata nahi doston
kyun ki humare pass muskurahat
Ka khazana tha
voh bhi kya zamana tha
Uss rajkumari ka humare dil mein
Ashiyana tha
Ek tarfa hi sahi voh bas humara tha
voh shaqs humein Jaan se
Pyara tha

Aaj mann ke shabd kosh mein shabd
Nahi hai
Aaj asaman ka rang apne rang mein
Nahi hai
Aaj sab badla- badla sa lagg raha hai
Kyun iss jahan mein koi apna apno ke
Sang nahi hai

Woh meri samajh ko na samajh paye toh aisi samajh ka kya fayda
Mei chahake bhi usse na chaha pau aisa chahat ka Kya fayda
Yunhi likhne chala tha mein ek anjaan ke saath apna safar
Jab woh mera na ho saka toh aise safar ka kya fayda

“ Yeh bechara ishq ”

Guneghar sabit kar gayi voh mujhe meri
Hi Nazron Mein
Usse kisi baat ka illm hi nahi tha
Yaar voh bohota pyari thi
Mujhe usse koi gilla hi
nahi tha
Duniya ki baton pe bharosa kar gayi voh
Na Jane kyun usse mujhe
yakeen nahi tha
Meine sab kuch Kiya usse apna banane ke liye
Par usse mere saath chalna
Hi nahi tha
Mei usko samajh gaya tha
badi ba-khubi se
Bas usse mujhe samajhna hi nahi tha
Mana kuch waqt bura tha humara
Kuch dushman the humare rishte ke
Sulag gayi thi chingariyan humare darmiyan
Bas usse saath Mein jalna hi
Nahi tha
Mujhe usse bohota pyar ho gaya tha
Mujhe usse bichadna hi nahi tha

khuli ankhone se maine kuch
khawab dekhein hai
tum inn khawabo ka hissa
ban jao ,
Main tumhari zameen aur tum mera aasmaan
ban jao ,
Kisi ki bhi baat ka bharosa Main karna
meri jaan
Tum bina kuch soche samjhe sirf meri
ban jao

Mere dil se khel ke
kaisa laga
Tu khush hai na tujhe
Acha laga
Kya pata tha mujhe Tu
jhutha bhi tha
Mujhe toh tu humesha se
sacha hi laga

Voh samajh rahi hai ki mei mureed
Hun uska
Mujhe toh yeh bhi nahi pata ki mei
hu kiska
Mujhe toh ek baat bas pata hai
Ki naa mei iss duniya ka aur na hi mei uska
Meine toh puri koshish ki thi usse
apna banane ki
Aab voh hi nahi mila toh yeh kasoor
hai kiska
Koi toh bataye ya samjhayee ke kasoor tha mera
yah uska
Kaat raha hu ya kaat lunga yeh zindagi uske bina
Shayad voh abhi bhi iss galatafehmi mein hai ki mei mureed
hu uska

Khushiyon ke sapne dikhane wale aksar ,
Dhokha de jaate hai

“Uska roothna”

Suna hai ki woh mere bina
rote hai
Na jane kis hal mein
jite hai
Pyaar ki aag toh dono taraf barabar jali thi
Phir na jane kyun ek sheher mein rehke bhi ek dusre se alag
rehte hai
Aab chod do yeh gussa yeh roothna meri jaan
Tumhein kya pata ki yeh din tumhare bina kaise guzarte hai
Mei bhalehi tumhare pyaar mein apahij ho gaya hu
Apna mauhalla tumhari yaad mein chod gaya hu
Koshish toh bohot ki meine tumhein manane ki
Isliye yeh ummeed bhi mein tumhare liye chod gaya hu
Pucho har uss ashique se ki mohabbat
Kaise karte hai
Mat pucho ke Hum tumhare bina kaise
jeete hai
Tumhei pane ki ummeed hai
Bas ishi liye sans lete hai
Mat pucho ke Hum tumhare bina kaise
jeete hai

“ Intezaar karte reh gaye ”

Subha se leke shaam tak hum tumhara intezaar karte reh
gaye ,
Tumhare intezaar mein hum khudko sawarte reh gaye ,
Tum toh na aayi par tumhara khat aaya ,
Tumhara khat padhte hi najane kyun hum pagal se ho gaye ,
Kuch batein tumne ki kuch batein hum karte reh gaye ,
Taane maar raha tha yeh zamana ,
Aur hum bas sunte reh gaye ,
Mujhe batao ki mujhse galti kya hui aae sanam ,
Kyun hum tumhare pass rehke bhi tanha reh gaye ,
Khat mein jo likha tha hum bar bar padhte reh gaye ,
Padhte padhte hum zameen par hi
soo gaye ,
Sona toh ek bahana tha tumhein sapno mein jo dekhna tha ,
Jab aankh khuli toh hum tumhein bas durse hi dekhte reh
gaye ,
Shayad der ho gayi tumhein apna banane mein
Subha se leke shaam tak hum tumhara intezaar karte reh
gaye

Humne mohabbat toh unnse karli par unhe keh nahi paye
Humne khoob unse batein ki par unhe hasa nahi paye
Aab ya toh mujhmein hi kuch kami thi ya kuch kismat hi
kharab thi
Hum sab kuch karne ke baad bhi usse apna nahi bana paye

Mohabbat usse karo jo tumhari hi tarah Deewana ho
Warna wade karne wale toh hazar hai

“Wade mohabbat ke”

Tumhe Mei apna chand
bana lunga ,
Tumhare ishq ko apni aadat
bana lunga ,
Tum palkein jhukake eshara toh karo sanam ,
Yeh zindagi mein tumhare naam likh dunga ,
Koi afsane ki ya koi thikaane ki zaroorat nahi mujhe ,
Tumhari ankhon mein apna ghar
basa lunga ,
Sunna hai ki tum apni aawaz se hi sabko apna bana leti ho ,
Tum mujhe apni aawaz suna do ,
Mei tumhein hi apna khuda
bana lunga ,
Aab jo beet gaya usko yaad karke kya fayada ,
Jo mar gaya uss ehsaas ko zinda karke kya fayada,
Pyaar toh tum bas humse karo meri jaan ,
Jo jhod gaya usse yaad karke kya fayada ,
Tum mujhe mauka toh do ,
Mei tumhare liye yeh zameen aur aasman ek kar dunga ,
Tumhare ishq ko mei apni aadat bana lunga ,

Meri aankhon mein dekh tujhe pura samandar dikh jayega
Mei kuch bolunga nahi bina bole hi tujhe sab samajh aa
jayega
Yeh mera guroor nahi hai yeh mera pyaar hai
Tu ek baar mujhe pyaar se toh dekh tere dil pe mera naam
likh jayega

Ki kitna tadpa hu mei mujhe aur na tadpa
Bohot zayada hi ro chuka hu mei mujhe aur na rula
Aab aisi bhi kya roothi hai tu meri jaan
Pada hu mein yahan iss kabristan mein kum se kum janaze
pe toh aa
Mujhe toh tune rula diya aab tu bhi toh rone aa
Kum se kum mere janaze pe toh aa
Kisi aur ki toh tu ho chuki hai dosti ke khatir hi sahi mujhse
milne toh aa
Jo bhi bandhan ho rishte ho inn sabko tu tod ke aa
Kum se kum mere janaze pe toh aa
Lautke na mei aaunga yeh tu mera wada leke jaa
Tu kuch bhi kar aae bewafa kum se kum mere janaze pe toh
aa

Na woh meri Kismat mein , Na mein uski kismat mein ,
Phir bhi na jane kyun yeh dil usse apna banane ke tareeke
dhundhata rehta hai .

Kuch zakham bhare nahi Umar bhar dard
dene ke liye
Voh bewafa the toh kya hua hum toh the Umar bhar saath
nibhane ke liye
Waqt ki gardish ne kuch aisa khel rachaya
Jaise mar gaye ho voh humare aur hum unke liye
Ek hasrat si jagi thi phir unhe pane ki
Kya zaroorat thi unhe humein saza
Sunane ki
Jab pata the ki yeh duniya humare khilaf hai
Toh kya zaroorat thi unhe humare kareeb
aane ki
Kyun haath pakadke mera hosla bada
Rahi thi
Meri mehbooba mujhe bewakoof bana
Rahi thi
Jab pata tha use ki yeh ishq mukambal
Nahi ho payega
Kyun iss dil mei pyaar ka phool khila
Rahi thi
Ek mauka bhi nahi diya mujhe, tumhe
Apna bana ke liye
Yeh ishq hua tha shayad mujhe dard
dene ke liye
Kuch zakham bhare hi nahi Umar bhar dard
dene ke liye

Kyun mujhe jata dekh tera dil
ghabrata hai
Kyun mere pass aate hi tera dil khush
ho jata hai
Tujhe mujhse pyaar ho gaya hai ya hone
laga hai
Kyun mujhe dard mein dekh tera dard
badh jata hai

Aaj khuda se sirf tujhe pane ki guzarish
kar raha tha
Tujhe bohot yaad kar raha tha
Iss chand mein har pal teri jhalak aati hai
Mei aaj har phool mein teri khushboo dhund
raha tha
Tujhe dekhne ka aaj mann kar raha tha
Yeh Dil tujhe har jagah dhundh raha tha
Tujhe gale lagake ek arsa ho gaya
Tujhe zor se gale lagane ka man kar raha tha
Mei tujhe bohot yaad kar raha tha

Phool becho bazaar mein khooshboo
Phalane ke liye
Soch badlo aapni accha insaan
Banne ke liye
Yunhi chalegi nahi duniya jhut aur fareb
Ke balbute pe
Isliye aapni seerat badlo pehle apni soorat
Badalne ke liye

Yun iss tarah palkein na jhukate toh
accha hota
Mera dil tum na churate toh
accha hota
Abb koi afasana likhne chala hu mein tumhare naam pe
Mera din aur meri raat na churate toh
accha hota
Ek bhatka musafir tha mein
mujhe sahi rah Pe na chalate toh
accha hota

Uske aane se yeh jahan gul-e-Gulzar hai
Mujhe abhi pata chala ki kisi ko mujhse bhi pyaar hai
Aree duniya ko batane ki kya zaroorat thi tumhein
Tumhein toh pata hi nahi ki yeh dil kitna bekarar hai
Yeh sirf batein nahi meri jaan mere pyaar ka izhar hai

Tumhare palkein jhukate hi humari eebadat shuru ho jati hai
Kehne ko toh bohot kuch hai par humari
Himmat nahi ho pati hai
Kabhi ki nahi mohabat humne kisisse
Par pata nahi kyun tumhein dekhte hi humari dhadkane
badh jati hai

Aab pyaar shabd pe bharosa nahi hota
Mujhe pata chal gaya hai ki koi kisika nahi hota
Aab Isse pyaar wafa mohabbat ya jo marzi keh lo
Par kisi cheez ko khoobsoorti se keh dene se woh sahi nahi
ho jata
Aab tum phool bekhair do ya kante chubho do mujhe
Tum kuch bhi karlo par yeh din raat aur raat din nahi hota

Tumhare saath har mausam suhana sa
lagta hai
Koi kitna bhi paraya ho tumhare saath apna sa lagta hai
Aab koi khalish ya koi khwaahish nahi mujhe iss zindagi se
Tumhari ankhon se dekha hua har Sapna saccha sa lagta hai

Khuda se lad pada mei aaj tumhein pane ke liye
Ek ajeeb se safar pe nikal pada mein tumhein pane ke liye
Thaan liya tha meine ki banaunga mein tumhein hi apna
Isliye intezaar karta raha mein besabri tumhein pane ke liye

Safar aksar mushkil ho jata hai jab hum
Khudse har jate hai , isliye haro mat

Tum de rahi ho ishare baat karne ke
Kya irade hai tumhare aisa karne ke
Kya kahun tumse yeh samajh nahi aata
Kya phir irade hai tumhare mera dil
Todne ke

Ke tu toh chala gaya par tera nishan
bakhi hai
Shayad mere dil mein tera pyar aab bhi
bakhi hai
Jala diya meine tumhari yaadon ke uss
aashiyane ko
Jismein abhi bhi tumhari yaad bakhi hai

Ke mila tha tumse jahan pehli bar abhi bhi
wahin pe khada hu
Tumhare bataiye hua har raste pe chala hu
Na jane kya khata hui humse aae sanam
Ke phir bhi teri yaad mein iss kadar jala hu

Sirf yaadon ke sahare khudko barbad kar,
Dete hai
Ek ashqi marta hai lakhon taiyaar beithe hai

“ TERI YAAD MEI KHUDKO DEEWANA LIKHTA HU ”

Jo lafz na keh paye voh jazbaat mei
Likhta hu
Teri yaad Mein khudko Mei deewana
Likhta hu
itna tadpe teri yaad mein ke hum keh
Bhi na paye
Teri zulfon ke saye mein hum so bhi
na paye
Tujhe musalsal Mei yaad karta hu
Jo lafz na keh paye voh jazbaat mei
Likhta hu
Yeh vadiyan mujhe tere pass
bulati hai
Teri yaadein mujhe madhosh kar
Jati hai
Mei rehna chahata hu tujhse dur
Par yeh duriya mujhe tere pass
bulati hai
Tujh tak bhejne ki himmat nahi hoti
Jo khat Mei tere naam likhta hu
Shawal Mei khudse yeh roz karta hu

Teri yaad Mein khudko Mei deewana

Likhta hu

Jo lafz na keh paye voh jazbaat mei

Likhta hu

Kiya kuch nahi hum yunhi
badnaam ho gaye
Dil bohot saaf tha isliye
nakaam ho gaye
Seekh liya meine bhi duniya ke
taur tareeko ko
Zubaan sachi thi isliye
bezubaan ho gaye

“HUM MARTE HAI”

Kitna pyara hai yeh Chehra Jispe hum

Marte hai

Dar hai tujhe kho na de

Isliye kehne se darte hai

Tere naan se jeete hai tere naam

Se marte hai

Kaise Batau kitni mohabbat tumse

Karte hai

Chalo ek wada tum karo ek hum

Karte hai

Ek dusre ke liye jeete marte hai

Chalo inn sarhado ki duriyon

Ko Khatam karte hai

Zindagi ko dheere dheere ek

Saath jeete hai

Ek dusre ko samajh ke ek dusre

Ke Kabil bante hai

Chalo ek dusre ka haath pakadte hai

Ek dusre mein kuch is kadar kho

Jate hai

Ek wada tum karo ek wada hum karte hai

Eid ki zarurat nahi humein hum toh humara chand roz
dekhte hai ,
iss tasveer mein jo insaan hai usse bohot
pyaar karte hai ,
mana humse kuch galtiyaan ho gayi thi aae hum safar ,
aab tumse ek mauke ki guzarish karte hai

Nighaein Milane ko jee chahata
Hai
Yeh dil aur kuch nahi bas hasna
Chahata hai
Tumhari zulfein bas meri raat
Ban jayengi
Aur yeh mann palko ke tale Sona
chahata hai

Mohabbat ek hi baar hoti hai ,
Uske baad sirf dil ka dhokha hota hai

Jo aaj khafa hain humse woh kal humare
deewane bhi honge
Dil toda mera unhone toh kya hua Kal hum unke dildar bhi
honge
Yunhi kat gayi ulfat bhari zindagi ghamo ke sahare
Aaj voh paraye hai toh kya hua kal humare bhi honge

Tum mujhe din raat satati ho
Tum pyaar karti thi kisi aur se Aab
Uski bewafai ki sajha mujhe hi
Deti ho
Mei bohot pyaar karta hu tumse
Dilbar
Tum kyun mujhe khud se door rakhna
Chahati ho

Kabhi kisika dil mat dukhana ,
Dil tootne ki awaz bohot zor se aati hai
Tum toh daga kar doge par sacche
ashiq ki sari umar aawargi mei guzar jati hai

Tere baad kisiko chune hi nahi diya
Phir dil lagane ka mann hi nahi kiya
Meri ankhein de dengi neend ka hisaab
Tere jane ke baad sukoon se sone ka mann
hi nahi kiya
Chahta toh teri yaadon ko dafan kar deta mere saath
Magar phir meri kabar pe jane ka mann hi nahi kiya
Zinda shareer ko meine khud hi dafan kar diya
Phir khud ko nend se jagane ka dil hi nahi kiya

Laut aayega tu toh shikayat karunga tujhse
Teri aankhon mein dekh ke fariyad karunga tujhse
Kitna aasan tha tere liye mujhe chod jana
Tu milega toh ayat-e-ishq karunga tujhse

Safar ki khubsoorti ko humesha yaad rakhna
Kamiyabi ke baad bhi apne bure waqt ko yaad rakhna

Umar balak hai kaam sab karna padta hai
Izzat ko bazu rakhke nazar ko jhukana padta hai
Khwaahishein bik gayi majboori ke haaton meri
Hatheli pe rakhke jism faroshi ko karna padta hai

Dil mei ghabarahat hai chehre pe
muskurahat jhuthi rakhi hai
Meine apne sach ki awaz dabake rakhi hai
Kehne ko toh mei bhi bohot kuch kehdu
Bas yeh hi sanskar hai mere jo meine nazar jhukake rakhi hai